

*Бекітемін:
«Күншуақ» жеке меншік
бөбекжай- балабақшасы»
мекемесінің әдіскері
А.Ә.Жақсылықова*

" 1 қыркүйек Білім күні! "

(МАТ «Алтын сақа» тобының ұйымдастырылған оқу іс-әрекеті)



Тәрбиеші: Жамшиова Г

Таушық ауылы, 01.09.2024 жыл.

Мақсаты: Балаларға Білім күні-мерекесінің қоғамда алатын орнын көрсету; Мерекелік көңіл-күй орнату; балалардың мектеп туралы түсініктерін кеңейту; мектеп оқу құралдарымен таныстыру;

Міндеті: Балаларға 1-қыркүйек күні – білім күні жайында түсінік беру. Өз туған елдеріне, жерлеріне, балабақшасына сүйіспеншілікке тәрбиелеу.

Елімізде тек қана бейбітшілік, тыныштық үшін, әр адам оған атсалысу керектігін түсіндіру. Байланыстырып сөйлеуге, сөйлем құра білуге үйрету

Көрнекі құралдар: суреттер, оқу құралдары, ойыншықтар.

Әдіс-тәсілдер: көрнекілік, сөздік, сұрақ жауап, әңгімелеу.

Тәрбиеші: Білімнің көп тас қамалы

Ғалымдық та асқаралы

Бар білімнің нұр бастауы-

Балабақшадан басталады.

Мереке құтты болсын! Шаршамай-талмай білім теңізіне сүңгіік!

Биіктерді бағындырудан жалықпайық! Ендеше бәріміз Достық шеңберіне тұрайық.

«Достық шеңбері»

Біздің топта балалар

Тату - тәтті ойнайды.

Дос көңілі әрқашан

Тек жақсылық ойлайды

Тәрбиеші: Бүгіннен бастап біз доспыз, арамыз ешқашан осы шеңбердей бұзылмасын.

Қоңырау соққан бала шығады.

Тәрбиеші:

Жаңа оқу жылы, кел, төрлет

Дүбірлі думан басталсын

Жүректерді ән тербеп

Шапалақ ұрсын асқар шың.

Тәрбиеші: Мінекей- 2024 - 2025 оқу жылының да алғашқы қоңырау үнін естідік. Жаңа оқу жылы құтты болсын!

Жүргізуші: Осы тұңғыш қоңыраудан бастап күнделікті оқу басталады. Балалар, жақсы, білімді, тәрбиелі азамат болу үшін, ерінбей оқу оқып, білім алу керек. Ол үшін сендер балабақшаға күнде келіп, сабақ оқып, тәрбие алу керексіңдер. Балалар, біз ересек тобында оқу оқығанда біздің Қазақстан Республикасының рәміздері жайында білім алғанбыз, ендеше есімізге түсірейікші, біз қандай Қазақстан Республикасының рәміздерін білеміз. (балалардың жауабын тыңдау)

Тәрбиеші: Дұрыс, әнұран, елтаңба, ту.

Балалар, айтыңдаршы, біз қай Республикада тұрамыз?

Балалар: Біз Қазақстан Республикасында тұрамыз.

Тәрбиеші: Дұрыс. Қазақстан Республикасының президенті кім?

Балалар: Нұрсұлтан Әбішұлы Назарбаев.

Тәрбиеші: Балалар, айтыңдаршы, біздің балабақшамыздың аты қалай?

Балалар: «Күншуақ» бөбекжай-бақшасы.

Тәрбиеші: Өте жақсы балалар. Сендер өздерінің Республикаларын, рәміздер жайында, елорда жайында барлығын білесіңдер. Ал, балалар, енді бізге Дания атты баламыз Отан туралы тақпақ айтып бергісі келеді.

II. Негізгі бөлім.

Райана :
Бірінші қыркүйек күнімен
Аңқыған жұпары гүлімен
Келіп ем қарсы алар балабақшам
Сүйкімді қоңырау үнімен.

Тәрбиеші: Міне, осындай тату тәтті, бақытты мелекетте біз өмір сүріп жатырмыз. Ендеше біз бүгінгі мерекеге арналған өлең тақпақтарымызбен сабағымызды жалғастырайық.

Асылтас: Сәлем саған балабақшам, алғыстарым көп менің.
Оқу, білім, тәрбие, ой санама еккенің.

Нұрхан:
Бақытты балғын баламыз
Өсті міне санамыз
Әріп танып сабақ оқып,
Білім нәрін аламыз

Медина:
Бақытты балғын баламыз
Өсті міне санамыз
Әріп танып сабақ оқып,
Білім нәрін аламыз

С.Әлинұр Құтты болсын алғашқы қадамдары
Құтты болсын басталған оқу жылы
Құтты болсын алғашқы баспалдағы

Тәрбиеші: Міне, балалар, осы күннен бастап бізде күнделікті сабақтарымыз, қызықты да көп нәрсеге үйренетін күндеріміз басталды.

Әрқашан бүгінгідей жақсы көңілмен, барлығын үйренеміз деген мақсатпен балабақшаларыңа келулеріңе тілектеспін. Бүгінгі сабаққа жақсы қатысқандары үшін көп рахмет. Бүгінгі 1-ші қыркүйек – білім күніне арналған сабағымыз осымен аяқталды.

Орындайды: білім күніне арналған тапсырмаларды толық орындайды.

Түсінеді: балалар 1 қыркүйек білім күні екенін.

